

**ХУУЛЬ ТОГТООМЖ, ТОГТООЛ, ШИЙДВЭРИЙН БИЕЛЭЛТЭД 2024 ОНЫ
ЭХНИЙ ХАГАС ЖИЛИЙН БАЙДЛААР ХЯНАЛТ-ШИНЖИЛГЭЭ,
ҮНЭЛГЭЭ ХИЙСЭН ТОВЧ ТАНИЛЦУУЛГА**

2024.07.10

Булган

**НЭГ. ХЯНАЛТ-ШИНЖИЛГЭЭ, ҮНЭЛГЭЭНИЙ ЗОРИЛГО, ҮНДЭСЛЭЛ, АРГА
ЗҮЙ**

Ерөнхийлөгч, Ерөнхий сайд, Улсын Их хурал болон түүний хороод, Засгийн газраас аймгийн Засаг даргын Тамгын газарт даалгасан тогтоол, шийдвэр зүйл, заалтуудын биелэлтийн явцад хяналт-шинжилгээ, үнэлгээ хийж, удирдлагыг үнэн зөв, бодит мэдээллээр хангах, төлөвлөсөн зорилтыг бүрэн хэрэгжүүлэхэд дэмжлэг үзүүлэхэд оршино.

Булган аймгийн Засаг даргын Тамгын газар нь 2024 оны эхний хагас жилийн байдлаар Засгийн газрын Хэрэг эрхлэх газрын хяналт-шинжилгээ, үнэлгээний www.unelgee.gov.mn цахим санд байршуулсан аймгийн Засаг даргад хэрэгжүүлж ажиллахаар үүрэг болгон даалгасан 130 шийдвэрийн 212 заалтыг хяналтад авч Засгийн газрын 2020 оны 206 дугаар тогтоолоор батлагдсан "Бодлогын баримт бичгийн хэрэгжилт, захиргааны байгууллагын үйл ажиллагаанд хяналт-шинжилгээ, үнэлгээ хийх журам"-ын дагуу биелэлтийг тооцон ажиллалаа.

ХОЁР. ХЯНАЛТ-ШИНЖИЛГЭЭ, ҮНЭЛГЭЭНИЙ ҮР ДҮН

Хяналт-шинжилгээ, үнэлгээний дүнгээр хяналтад авсан 130 шийдвэрийн 212 заалтын 139 (65.5%) нь бүрэн хэрэгжсэн, 65 (30.6%) нь хэрэгжих шатанд, 6 (2.8%) хэрэгжилт хангалтгүй, 2 (0.9%) нь хэрэгжилт тооцох хугацаа болоогүй заалт байгаа ба биелэлтийн дүнг дунджаар авч үзвэл **88.71** хувьтай буюу **4.43** оноотой үнэлэгдэв.

Мөн тогтоол шийдвэрийн хэрэгжилтийг нарийвчлан авч үзвэл Монгол улсын 8 хуулийн 18 заалт 88.33 хувь, УИХ-ын 8 тогтоолын 13 заалт 80.77 хувь, УИХ-ын байнгын хорооны 17 тогтоолын 41 заалт 89.02 хувь, Ерөнхийлөгчийн 5 зарлигийн 11 заалт 89.9 хувь, Засгийн газрын 45 тогтоолын 60 заалт 89.33 хувь, Засгийн газрын хуралдааны 39 тэмдэглэлийн 57 заалт 90.18 хувь, Засгийн газрын 2 албан даалгаврын 2 заалт 70.0 хувь, Үндэсний аюулгүй байдлын зөвлөлийн 6 зөвлөмжийн 10 заалт 90.0 хувьтай тус тус хэрэгжсэн.

ГУРАВ. ДҮГНЭЛТ

Хууль тогтоомж, тогтоол шийдвэрийн биелэлтийн явцад сар бүр болон хагас, бүтэн жилээр хяналт-шинжилгээ, үнэлгээ хийж, аймгийн Засаг даргын удирдлагын багийн хурлаар хэлэлцүүлэн хэрэгжилт удааширсан, эрчимжүүлэх шаардлагатай

ажлуудыг илрүүлэн, Засгийн газрын Хяналт хэрэгжүүлэх газраас ирүүлсэн дүгнэлт, зөвлөмжийн дагуу гүйцэтгэлийг сайжруулан ажилласнаар тайлангийн чанар сайжирсан эерэг үр дүн гарч байна.

2024 оны эхний хагас жилийн байдлаар аймагт даалгасан 130 шийдвэрийн 212 заалтын хэрэгжилтэд хяналт-шинжилгээ, үнэлгээ хийн Засгийн газрын “Хяналт-шинжилгээ, үнэлгээний мэдээллийн цахим сан”-д хугацаанд нь байршуулж, тайланг аймгийн Засаг даргын Тамгын газрын даргын албан бичгээр хүргүүллээ.

ДӨРӨВ. ЦААШИД АВЧ ХЭРЭГЖҮҮЛЭХ АРГА ХЭМЖЭЭ / ЗӨВЛӨМЖ /

Тогтоол шийдвэрийн хэрэгжилт 88.71 хувьтай байгаа хэдий ч агентлаг, сум, байгууллагын удирдлагууд шийдвэрийн хэрэгжилтийг мэдээлэх, тайлагнахад үйл ажиллагааг дурдсан, тооцоо судалгаа байхгүй, гарсан үр дүнг мэдээлэхгүй, хувийг хэт өсгөх зэрэг зөрчил дутагдалд анхаарах;

Тайланг хэтэрхий нуршсан, үр дүнг бус үйл ажиллагааг тоочон тайлагнасан тохиолдлууд давтагдсаар байгаа тул тайланг график, хүснэгт ашиглаж, тухайн шийдвэрийг хэрэгжүүлснээр гарсан гол үр дүнг товч тодорхой тайлагнах;

Хариуцсан салбарын тогтоол шийдвэрийн биелэлтийг харьяа газар, хэлтсүүдээс нэгтгэн авахдаа тухайн тайланд дүн шинжилгээ, боловсруулалт хийсний үндсэн дээр, хэлтсийн даргад танилцуулж, хэлтсийн даргын гарын үсгээр баталгаажуулан, эцсийн тайланд өгөх;

Аймгийн Засаг даргын 2021 оны А/207 дугаар захирамжаар батлагдсан “Бодлогын баримт бичгийн хэрэгжилт, захиргааны байгууллагын үйл ажиллагаанд хяналт-шинжилгээ, үнэлгээ хийх журам”-ын 8-р зүйлийн 8.7 дахь заалт Захиргааны байгууллага бодит шалтгааны улмаас хэрэгжих боломжгүй, цаг хугацааны хувьд ач холбогдолгүй болсон сүүлийн 3 жил тасарсан болон тухайн асуудлаар дахин шийдвэр гарсан, хэрэгжилт тогтмолжсон шийдвэрүүдийг дотооддоо хяналтад авч хууль тогтоомж, тогтоол шийдвэрийн заалтыг хүчингүй болгох, хяналтаас хасах тухай саналыг жилийн эцсийн тайлангийн хамт хүргүүлэхэд анхаарч тус журмын дагуу тайлагналтыг сайжруулж, үйл ажиллагаандаа мөрдлөг болгон ажиллах шаардлагатай. Тухайлбал: Нэг ажлыг хэд хэдэн заалтын биелэлтэд тайлагнах, тухайн заалтад хамааралгүй биелэлт гаргах, хэт нурших, зэрэг нийтлэг алдаа дутагдлыг дараа дараагийн тайланд засаж сайжруулан, үйл ажиллагаандаа анхаарч, хариуцлагатай тайлагнахыг хариуцсан салбарын газар, хэлтсүүдэд анхааруулж байна.